



Inatsisartuni ilaasortaq
Per Rosing Petersen
Attaviitsoq

Kiffartuussinissamut isumaqatigiissutit pillugit § 37 naapertorlugu apeqqut nr. 235-mut akissuteqaat

Brevdato: 20-09-2016
Sags nr.2016 - 13887
Dok. nr. 13326796

Asasara Per,

Aallarniutigalugu kiffartuussinissamut isumaqatigiissutit pillugit apeqqutinnut, Inatsisartut suleriaasianni § 37 naapertorlugu nassiussannut qutsavigaakkat.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nаноq.gl
www.naalakkersuisut.gl

Apeqquteqaat manna 12. september 2016-imik ulluligaavoq. Tamatuma kingorna Naalakkersuisut tusagassiorfinnut nalunaarutininik marlunnik, kiffartuussinissamut isumaqatigiissutinut tunngasunik 2016-imi septembarip ulluisa 13-anni aamma septembarip ulluisa 15-anni nassiussipput.

Taamaattumik akissuteqaammut ilassutitut kiffartuussinissamut isumaqatigiissutit pillugit tusagassiorfinnut nalunaarutit uaniittut innersuunneqarput: www.naalakkersuisut.gl.

Apeqqut 1.

Kiffartuussinermut isumaqatigiissutit nunatta karsiata - akileraartartut akiligaat, kikkunnet inuiaqatigiinni iluaqutaasarpat?

Akissut:

Siullermik pingaarnertullu kiffartuussinissamut isumaqatigiissutini *"nunaqarfinni isorliunerusunilu ilaasunik angallassinerep ingerlanneqarnerinut aningaasartuutit akilernerqarnissaat"* qulakkeerneqartussaavoq, tak. Aningaasanut Inatsimmi konto pingaarneq 72.20.05 Ilaasunik angallassinermut tapiissutit.

Tassalu kiffartuussinissamut isumaqatigiissutini inuiaqatigiinni sumunnarfinnut taakkunanngaanniillu, matuma kinguliani taaneqartunut angalarusuttut tamarmik iluaquserneqartarput. – Aningaasanut Inatsimmi kontomut pingaarnermut 72.20.05 Ilaasunik angallassinermut tapiissutit, oqaasertaliussani kiisalu oqaaseqaatini:

Kiffartuussinissamik isumaqatigiissutinut tapiissutit pingaarnertut tunngavilersuutaasut pingasut malillugit, ornigassanut:

- *angallannikkut periarfissaqartussaannikkaluanut.*
- *akit pissutigalugit angalasinnaassannikkaluanut amerlasuunut.*
- *akuttunerusumillu tikinneqartartussaagaluanut tapiissutaassapput.*

Apeqqut 2.

Qanoq una kiffartuussinissamut isumaqatigiissutit atuutilerneratigut tunngavissaqarlualersitsiniartoq?

Akissut:

Apeqquut imatut paasivara, kiffartuussinissamut isumaqatigiissutit 1. januar 2017 aallarnerfigalugu atuutilernerisa kingunerisassaat, taamaalillunilu isumaqatigiissutinut atuuttunut naleqqiullugu allannguutissat apeqquutigineqartut.

Tassunga tunngatillugu tusagassiorfinnut nalunaarutit, akissuteqaatip matuma aallartinnerani oqaatigineqartut innersuutissavakka.

Apeqquut 3.

**Angallanneq pillugu Innuttaasunik ataatsimiiititsinissaq
pilersaarusoqatigiissutigisinnaavarput?**

Akissut:

Suliap ingerlangaatsiareenera eqqarsaatigalugu maannarpiaq angallanneq pillugu innuttaasut ataatsimoortumik ataatsimeeqatiginissaat naapertuuttutut isumaqarfiginngilara, kisiannili innuttaasut ingerlaavartumik pilersitsiviusumillu oqaloqatiginissaat pingaartippara.

Inussiarnersumik inuulluaqqusillunga

Knud Kristiansen